

खबरां

- प्रधानमंत्री नरेंद्र मोदी होरें नमीं दिल्ली च वियतनाम दे राष्ट्रपति तो लाम हुंदे नै गल्लबात कीती, डिजिटल टेकनालजी, दुलर्भ धरतै सरबन्धी ते चिकित्सा उत्पाद नियमें दे खेत्तर च कई समझौता ज्ञापनें दा आदान-प्रदान कीता।
- तमिलनाडू च टी.वी.के प्रमुख विजय दे सरकार बनाने दे दावे दे बाद थमां गहन वार्ता जारी ऐ।
- असम दे मुखमन्त्री हेमन्ता विसवा सरमा होरें इस्तीफा देई दित्ता। नमीं सरकार शपथ समारोह 11 मई दे बाद होगा।
- पंजाब दे जलंधर च बीएसएफ शिविरें दे बाहर दोहरे धमाके, डीजीपी नै धमाके आहली थाह दा दौरा कीता।
- भारत ते यूरोपी संघ नै इलेक्ट्रानिक वाहन बैटरी रिसाइकलिंग क्षमता गी मजबूत करने लेई संयुक्त पैहल शुरू कीती।
- भारत मौसम विभाग नै असम, केरलम, बिहार, तमिलनाडू ते होरनें राज्यें च भारी बरखें दा पूर्वानुमान लाया ऐ।
- आई.पी.एल क्रिकेट च मेजबान सनराइजर्स हैदराबाद अज्ज संज्ञा पंजाब किंग्स कन्नै खेडग।

<><><><><><>

India-Vietnam

भारत ते वियतनाम नै अज्ज डिजिटल टेकनालजी दुलर्भ धरतै सरबन्धी तत्व, चिकित्सा उत्पाद विनियमन, सार्वजनिक खेत्तर लेखा परीक्षा, डिजिटल भुगतान प्रणाली ते संस्कृति ते पर्यटन दे खेत्तर च कई समझौता ाापनें पर हस्ताक्षर कीते। एहू समझौते अज्ज दपैहरी नमीं दिल्ली च प्रधानमंत्री नरेंद्र मोदी ते वियतनाम दे राष्ट्रपति तो लाम हुंदे बश्कार वार्ता दे बाद दस्तखत कीते गए। वार्ता दरान दौनें नेताएं दपक्खी सरबन्धें कन्नै-कन्नै पारस्परिक हित दे क्षेत्रीय ते वैश्विक मुद्दें पर बी व्यापक चर्चा कीती। उनें आखेआ जे सांज्ञा विरासत गी जीवित रखने लेई भारत वियतनाम दी प्राचीन सभ्यता दे माई सोन ते न्हान ताउ मंदिरें दा जीर्णोद्धार करा'रदा ऐ।

<><><><><><>

TN New Govt.

तमिलनाडू च तमिलगा नेत्री कजगम प्रमुख विजय प्रमुख होरें अज्ज राज्यपाल राजेंद्र विश्वनाथ अरलेकर कन्नै मुलाकात दरान तमिलनाडू च अगली सरकार बनाने दा दावा पेश कीता। विधानसभा चुनां दे बाद सभ्बनें शा बड्डी पार्टी बनियै उभरी दी उंदी पार्टी गी बहुमत दे 118 दे आंकड़े धोड़ी पुज्जे लेई घट्टोघट्ट 10 सीटें दी जरूरत ऐ। हुन विजय गी सदन च अपनी सरकार दा बहुमत साबित करना होगा। तमिलनाडू दे राज्यपाल राजेंद्र विश्वनाथ अलेकर होर अज्ज दपैहरी बाद केरलम चेन्नई पुज्जे। संवाददाताएं कन्नै गल्ल करदे होई उनें आखेआ जे 108 सीटां जित्तने आहली तमिलगा नेत्री

कजगम दा इक ई-मेल उनेंगी हासल होआ ऐ। इस ईमेल च उंदे कन्नै मिलने दा समें मंगेआ गेआ ऐ। इस चिट्ठी च पार्टी नै अपना बहुमत साबित करने लेई दो हफ्ते दा समें देने दा बी निवेदन कीता ऐ। तोआई, अखिल भारती अन्ना द्रविड़ मुनेत्र कजगम दे चनोए दे विधायकें दा इक्क वर्ग पार्टी नेतृत्व थमां टीवीके गी समर्थन देने दी इच्छा रखदा ऐ। 5 विधायकें आहली कांग्रेस नै टीवीके गी समर्थन देने दा फैसला कीता ऐ।

<><><><><><>

Assam CM-Resign

असम च मुखमन्त्री डा हिमंता बिस्वा सरमा होरंे अज्ज गुवाहाटी दे लोक भवन च राज्यपाल लक्ष्मण प्रसाद आचार्य होरें गी अपना इस्तीफा सौंपी दित्ता जेह्दे कन्नै गै राज्य च नमीं सरकार दे गठन लेई बतत पदरी होई गेई ऐ। मगरा मीडिया आहलें कन्नै गल्ल करदे होई डा. सरमा होरें दस्सेआ कि राज्यपाल होरें पूरे मंत्री परिशद दा इस्तीफा स्वीकार करी लैता ऐ ते मजूदा विधानसभा गी भंग करी दित्ता ऐ। उनें दस्सेआ कि जिच्चर धोड़ी नमीं मंत्री सभा दा गठन नेई होंदा उच्चर तगर उनेंगी ते उंदे मंत्रिणं गी इक केयरटेकर दे रूपै च कम्म चलाने लेई आखेआ गेआ ऐ। सरमा होरें दस्सेआ कि नमीं सरकार दा शपथ ग्रैहण समारोह 11 मई दे बाद होने दी मेद ऐ जेह्दे लेई प्रधानमन्त्री होरें गी बी औने दा साद्दा दित्ता गेआ ऐ।

<><><><><><>

WB New Govt.

पच्छिम बंगाल च चुनां परिणाम घोशित होने ते नमीं सरकार दे शपथ समारोह थमां पैहले राज्य प्रशासन च तैयारियां चरम पर पुज्जी गेइयां न। सरकार गठन दी संवैधानिक तेजी कन्नै अगगे बदाई दी ऐ। पच्छिम बंगाल दे मुख चुनां अधिकारी मनोज कुमार अग्रवाल होरें चुनां आयोग दे प्रतिनिधियें कन्नै अज्ज राज्यपाल कन्नै मुलाकात कीती ते राज्य दी सब्बै 293 विधानसभा सीटें दे नतीजें दी राजपत्र अधिसूचना प्रस्तुत कीती। नमीं सरकार दे गठन दी औपचारिक प्रक्रिया राज्यपाल गी अधिकारिक चुनां परिणाम प्राप्त होने दे बाद गै शुरू होग।

<><><><><><>

Keralam-Govt.

केरलम च विधानसभा चुनां च स्पष्ट बहुमत हासल करने आहले संयुक्त लोकतांत्रिक मोर्चे च सरकार बनाने लेई गल्लबात जारी ऐ। मोर्चे दा नेतृत्व करारदी कांग्रेस पैहले मुखमन्त्री दा चयन करोग जेदे बाद अगगे दी चर्चा होग। केरलम च कांग्रेस विधायक दल दी बैठक कल तिरुवंतपुरम च होग। एह बैठक अखिल भारती कांग्रेस कमेटी दे पर्यवेक्षके आसेआ अनौपचारिक चर्चा दे बाद होग। के.पी.सी.सी अध्यक्ष सनी जोसेफ होरें आखेआ जे मुखमन्त्री हुंदे सरबंधें च फैसला विधायकें दे विचार जानने दे बाद गै लैता जाह्ग।

<><><><><><>

Punjab Explosion

पंजाब च कल रातीं जलंधर च सीमा सुरक्षा बल दे सदर दफ्तर ते अमृतसर दे खासा च फौज दे इक ठिकाने बाहर 2 धमाके होए। एह पाकिस्तान दी खुफिया एजेंसी आई.एस.आई दे नापाक मंसूबें दा इक हिस्सा ऐ। पंजाब पुलिस दे डरैक्टर जनरल गौरव यादव होरें फौज ते होरनें सुरक्षा अधिकारिणं दे

कन्नै अमृतसर दे खासा च स्थित धमाके आली थाह दा दौरा लाइयै हालात दा जायजा लैता। उनें दस्सेआ जे शुरूआती जांच दे मताबक दौनें गै थाहरे पर आई.ई.डी दा इस्तेमाल कीता गेआ हा। फौज, पुलस ते होरनें सुरक्षाबले आसेआ मामले दी बड़ी बरीकी कन्नै जांच कीती जा करदी ऐ।

<><><><><><>

Fake-Videos

सरकार नै सोशल मीडिया पर वायरल इक संशोधित वीडियो दा खंडन कीता ऐ जेह्दे च रक्षा सचिव राजेश कुमार एह दावा करदे दस्से गे न जे पाकिस्तान नै पिछले बरे 10 मई गी भारत दिएं प्रणालिएं गी जाम करी दिता हा। प्रेस सूचना ब्यूरो-पी.आई.बी दी तथ्ये दी जांच आली इकाई नै साफ कीता ऐ जे एह वीडियो आर्टिफिशल इंटेलीजेंस आसेआ बनाया गेदा डीफ फेक ऐ ते पाकिस्तान दे किश सोशल मीडिया खातें आसेआ गलत मकसद कन्नै एहदा प्रसार कीता जारदा ऐ। इकाई नै नागरिकें गी ऐसे वीडियो दे झांसे च नेई औने ते नेही संदिग्ध सामग्री दी सूचना 87997-11259 पर काल करियै जा factcheck@pib.gov.in पर ईमेल भेजियै देने दी गुजारश कीती ऐ।

<><><><><><>

India-EV

भारत ते यूरोपीय संघ नै भारत-यूरोपीय उर्जा बपार ते प्रौद्योगिकी परिषद कार्य समूह दो तैहत ई.वी बैटरी रिसाइकलिंग क्षमता गी मजबूत करने लेई 169 करोड़ रपे दी संयुक्त पैहल शुरू कीती ऐ। भारत सरकार दे प्रधान वैज्ञानिक सलाहकार प्रो. अजय कुमार सूद होरें आखेआ जे एह पैहल भारत यूरोपीय उर्जा रणनीतिक सांझेदारी च इक महत्वपूर्ण मोड़ ऐ। उनें आखेआ जे देश दे ई.वी बजार दे तेजी कन्नै विस्तार कन्नै संसाधन सुरक्षा ते पर्यावरणीय प्रतिबद्धताएं लेई इक मजबूत घरेलू रिसाइकलिंग प्रणाली दा निर्माण जरूरी ऐ।

<><><><><><>

India Economy

Moody's Ratings दे मताबक भारत पिछले 5 बरे च सबनें शा बड़ी उभरदा बजार अर्थबवस्थाएं चा इक बने दा ऐ। अपनी हाल दी रिपोर्ट च एजेंसी नै आखेआ ऐ जे भारत मजबूत विदेशी मुद्रा भंडार इक स्थिर ते पुर्वानुमानित नीतिगत ढांचा ते मजबूत घरेलू पूंजी बजार कन्नै भविष्य दे वैश्विक झटके गी झेलने लेई अपने ज्यादातर समकक्षों दी तुलना च बेहतर स्थिति च ऐ।

<><><><><><>

Pradhan-Mamta

शिक्षा मंत्री धर्मेन्द्र प्रधान होरें पच्छिम बंगाल दी मुख्यमंत्री ममता बनर्जी हुंदे उस बयान दी निंदा कीती ऐ जेह्दे च उनें राज्यपाल गी अपना इस्तीफा सौंप?ने सवां इंकार कीता हा। ममता होरें आखेआ हा कि ओह अपने ओहदे परा इस्तीफा नेई देडन ते इक शेर आंडर लड़गन जेदे पर धर्मेन्द्र प्रधान होरें आखेआ कि उंदा एह बयान जनादेश गी अस्वीकार करना ऐ ते देश दिएं संस्थाएं दे भरोसे गी घट्ट करने दी कोशश ऐ। प्रधान होरें आखेआ कि पच्छिम बंगाल च लोकतंत्र गी बंदूक दी नोक पर रखेआ जा करदा ऐ ते तृणमूल कांग्रेस जनादेश दा अपमान करा करदी ऐ। उनें आखेआ कि कुर्सी पर चमके रौहने

महत्वै आली भूमिका निभागा। रक्षा त्रिवेणी संगम नांS दे कार्यक्रम दरान बोलदे होई लेफ्टिनेंट जनरल प्रतीक शर्मा होरें आखेआ जे इस कार्यक्रम नै थेआरबंद बलें, उद्योगें, स्टार्ट अप्स, नमियां काहडां कडुने आलें ते शैक्षणिक संस्थानें गी इक सांझे मंच उप्पर आहन्नेआ ऐ तां जे कम्में-कारवाइएं सरबन्धी चुनौतिएं लेई देसी हल विकसित कीते जाई सकै। उनें आखेआ जे नेहा पैहली बारी होआ करदा ऐ जे फौज दिआं 2 प्रमुख कमांना, अपने कम्में-कारवाइएं सरबन्धी तजुर्बे दे आदान-प्रदान लेई इक सांझे मंच पर आइयां ना।

<><><><><><>

Chenab-Salal Dam

सिंधु जल समझौते गी ठंडे बस्ते च पाए जाने दे बाद चिनाहू दरेया पर बने दे महत्वपूर्ण डैमें जिंदे च रियासी च सलसल प्रोजेक्ट बी शामिल ऐ, पर बड़ी एहतियात ते सलीके सिर पानी छोड़ेआ जा करदा ऐ। स्हाड़े जिला संवाददाता नै जानकारी दिती ऐ कि परियोजना दे अधिकारीयोजनाबद् तरीके नै मजूदा सुरक्षा ते नीतिगत नियमें ते विचारें गी ध्यानै च रखदे होई पानी दी मिकदार ते रौहड़ दे स्तर गी ध्यानै च रखा करदे ना। दरेया दे कुदरती बहाव पर अजें कि कोई असर जा फर्क नेई पेदा ऐ, फही बी सलाल डैम दे गेट नियंत्रित तरीके कन्नै खोले जा करदे न तां जे सुरक्षा गी यकीनी बनाया जा ते जल संसाधनें दा पूरा-पूरा इस्तेमाल बी कीता जाई सकै।

<><><><><><>